

L19

Nyonso Ezali Kolebela Ye Yesu !



**Emonisami na Mama Lorella Rouster
ya Lisanga ya 'Ministères pour Chaque Enfant'
Mokomi na lingala : Zeze Tshimba**

**ecmafrica@ecmafrica.org
Edition 2022**

NYONSO EZALI KOLOBELA YE YESU !

(LITEYA ETALI PASIKA) Lingala

Emonisami na Mama Lorella ya Lisanga ya « Ministères pour Chaque Enfant »

Liteya etali Pasika :

Na sima ya kosekwa na Ye, Yesu asololaka na bayekoli mibale na nzela ya bokeyi na Ye na Emmaüs.

Maloba ya Nzambe oyo ezali kopesa biso liteya oyo : Luka 24 : 13-29, Marko 16 : 12-13.

Tina ya liteya

Na suka ya liteya oyo, ngai na lingi ete bayekoli na ngai bayeba ete, Biblia mobimba, Boyokani ya kala na Boyokani ya sika, elobeli Yesu Klisto. Makambo minene na kati na yango nyonso ezali pasi oyo Ye amonaka, liwa (kufa) na Ye, na kosekwa na Ye.

Biblia mobimba ezali kolobela kufa na lisekwa ya Yesu. Ngai na lingi bayekoli na ngai bayeba makambo oyo, ebongo na lingi bayeba tina ya kokomisa Ye makambo ya minene na bomoyi na bango pe.

Kobongisa liboso ya koteya

- Tala eteni ya bana basengeli bayekola na liboke ya bisaleli, to talisa eteni oyo bana bakoyekola koloba. Koma yango na lokasa ya makasi, bakisa foto ya Yesu na oyo ya Biblia soki ozali na yango ;
- Talisa banzembo na lokasa ya makasi soki omoni ete ekosunga bana na yo na koyemba yango, to soki omoni ete okoki kosalela ba nzembo wana mbala ebele na mateya na yo. (Etando ike mpe ekoki ko koka)
- Mpo na boyambi ya mateya na bana kelasi, ozali na mposa ya kalati emonisaka ya biteni 25 na 26. Kabola biteni wana na biteni mosusu, likomi na likomi. Sala ba kalati ebele oyo ezali kolakisa Mikanda ya Moize, misusu ezali kolakisa ba Nzembo, misusu mpe ezali kolakisa ba Mikanda ya Basakoli (prophètes). Tia foto ya Yesu na ba kalati wana nyonso misatu. Kokisa foto na eteni ya lokasa. Kangisa lokasa likolo ya foto nyonso, salela lokasa oyo ekangaka (ruban collant) na mopanzi ya loboko ya mobali kaka, na ndenge oyo okoki kobenda yango mpo na kolakisa foto oyo ezali na nse.
- Tala malamumu soki omekoli makanisi nyonso oyo tosili kopesa mpo na boyambi ya bana kelasi. Yemba ba nzembo na bomekoli (répétitions) na ndenge oyo tolakisi, mpo été okoka kosala yango na mpete nyonso mpe na makasi nyonso. Salisa ba théâtre ya komeka liboso ya bana nyonso ya kelasi.
- Pona batangi misatu oyo bakokoka kotanga na mpete nyonso, na koloba makomi na ndenge elongobani. Soki makoki ezali, pesa bango eteni ya Biblia oyo basengeli ba tanga liboso ya baninga nyonso ya kelasi mpo na komeka.

Eteni ya koyekola na motema (verset de Mémorisation) : Luka 24 : 27

Ebongo Yesu alimbolelaka bango makambo nyonso oyo bakomaka mpo na Ye na mikanda nyonso ya Mikanda ya Nzambe, kobanda na Mikanda ya Moize kino na Mikanda nyonso ya ba Sakoli (prophètes).

Nzembo ya koyemba elongo na liteya oyo : Nyonso ezali kolobela Ye

(Na kingelezi : « Let's talk about Jesus »).

Ezali malamumu koyemba nzembo oyo na kati ya liteya to na sima ya liteya, kasi na ebandeli ya liteya te :

Biblia ezali kolobela Yesu

Banda ebandeli kino suka

Elobelaki Ye

Liboso ya boyei

Biblia ezali kolobela Yesu

Banda ebandeli kino suka

Ezali kolobela Ye

Yesu Klisto !

Ebandeli ya liteya (Introduction)

Soki otangi mukanda, to mutu abeteli yo lisolo moko, to otali bilili moko, to oyoki mateya moko na ndako ya Nzambe, na sima osaleli yango, esengeli omituna : « makambo oyo na tangi to makambo oyo na moni, elingi koloba nini ? » osali yango ?

Mbala mingi, mukanda to bilili to lisolo to mateya, ezali na tina na yango. Ezali na mama ya likambo. Elengi ya kolobela likambo moko kaka, likambo moko ya monene.

Soki omituni : « Biblia ezali koloba nini ? » Okoki kozala na kozanga kondima lisusu te, mpo ete Yesu Ye moko ayebisaka biso soki elingi koloba nini ? Fongola matoyi, yoka malamumu liteya ya Biblia ya mokolo ya lelo, ebongo okomona soki Biblia ezali koloba nini.

Bokoti na liteya ya Biblia

Liteya oyo esalamaka/epesamaka na sima ya lisekwa ya Yesu. Ndambu ya basi oyo balandaka Ye, ba monaka ete lilita na Ye ezalaka ya kofongwama to ezalaka na eloko te na kati. Ba monaka ba Angelu oyo bayebisaka bango ete Yesu ezalaki kuna te. Asekwaki. Petelo na moyekoli mosusu bamonaka ete lilita ezalaka na eloko te na kati, mpe, kasi mingi na kati ya bayekoli ya Yesu, bazalaka kondima nanu te ete Yesu asekwaki.

Makambo minene ya kolakisa, elongo na bana kelasi

- 1. Bayekoli mibale, tango bazalaki kokende na Emmaüs, bazalaka kosolola na ndenge batu bakangaka Yesu, ti na ndenge ba bakaka Ye na ekulusu. Tanga Luka 24 : 13 tii na 14*

13 : mokolo yango kaka, batu mibale na kati na bango bazalaka kokende na mboka moko, kombo na yango Emausi, kolongwa mboka wana ti na Yerusemi ezali ba kilometele zomi na moko (11 KM).

14 : na nzela bazalaka kosolola lisolo ya makambo oyo nyonso elekaka.

Tuna bana :

- Bayekoli nyonso bazalaka kokende wapi ? (na mboka Emausi)
- Bazalaka kosolola makambo nini ? (makambo oyo nyonso elekaka-ndenge babakaka Ye na ekulusu).

Boyambi ya mateya na bana kelasi :

Liboso, bana kelasi nyonso bakoki kosakana lokola loboko na bango ezali yerusalemi, loboko ya molayi ezali nzela, ki mobange na bango ezali mboka Emmaüs. Ebongo, malembe malembe ba « tambola » na misapi mibale ya loboko mosusu, lokola misapi wana ezali bayekoli mibale ya Yesu oyo bazaki kotambola na nzela ya bokeyi na Emmaüs. Bazali kokende malembe malembe, mpo bazali na mawa mpo Yesu akufi.

Na sima, mpo na bana ya mikolo, senga bana mibale bazala batu ya bolingo basala théâtre na ndenge ya bayekoli mibale ya Yesu.

2. Na tango bazalaka kotambola, Yesu Ye moko akutanaka na bango, ebongo Atunaka bango mpo na nini bazalaka na mawa. Kasi bayebaka Ye te. Tanga Luka 24 : 15 ti 16

15 : tango bazalaka kokende kosolola na kotia tembe mpo na makambo wana, Ye moko Yesu apusanaka pembeni na bango, ebongo Abandaka kotambola nzela moko na bango.

16 : bazalaka komona Ye, kasi bazalaka koyeba Ye te.

Tuna bana :

- Nani atambolaka nzela moko na bango ? (Yesu)
- Bamonaka Ye ? (ee, kasi bayebaka Ye te)

Boyambi ya mateya na bana kelasi :

Bana bakoki « kotambola » misapi na bango na loboko lisusu. Na mbala oyo, ba bakisa misapi ya monene na misapi mibale mosusu mpo na kolakisa ete Yesu azalaka kotambola elongo na bango.

Po na bana ya mayele, pona bana misatu mpo na kosala théâtre. Bana mibale bazali kotambola mpe kosolola mawa na bango na ndenge batu bakangaka Yesu, bamonisaka Ye pasi mingi ti koboma Ye. Basolola na ndenge bakanisaka ete akozala Mesiya. Na tango bazali kosolola, Yesu abandaka kotambola elongo na bango. Abandaka kotambola na bango mpe koyoka maye ba bandaka kosolola.

3. Bazalaka na makanisi été mutu oyo atambolaka na bango azalaka mutu ya, mboka ya mosika, ebongo moyekoli moko na kombo ya Cléophas ayebisa Ye ete bazalaka na mawa mpo bakanisaka ete Yesu azalaka oyo akobikisa Israele. Tanga Luka 24 :17 ti na 21

17 : Yesu atunaka bango : « Makambo nini oyo bozo kende koloba na nzela ? ». Ebongo batelemaka na mawa nyonso.

18 : Mutu moko na kati na bango mibale, kombo na ye Kleofasi atunaki Yesu : « Batu nyonso bazalaka na Yelusalemi bayebi makambo oyo eleki mikolo oyo, ebongo kaka yo pamba mutu oyebi yango te ? ».

19 : Yesu alobaka : « Makambo ? ». Bango ete : « Makambo oyo ekweyilaki Yesu, mutu ya mboka Nazareti. Azalaka mosakoli ya Nzambe, na miso ya Nzambe mpe na miso ya batu nyonso, Azalaka mutu ya makasi na makambo oyo azalaka kosala na oyo azalaka koloba ».

20 : Ba mpaka na biso, ba nganga Nzambe na ba mpaka misusu, bapesaka Ye na maboko ya Pilato mpe akatela Ye etumbu ya liwa mpe kobaka Ye na ekulusu mpo akufa.

21 : tobandaka kokanisa été Ye mutu akobikisa batu ya Israele. Lelo mpe ezali mokolo ya misatu kobanda mokolo oyo makambo wana ekweyaka.

Tuna bana :

- Mikolo boni eleki mpo na makambo wana ? (Mikolo misatu).

Boyambi ya mateya na bana kelasi :

Bana kelasi nyonso bamekola mbala na mbala lolenge oyo : (Na ndenge moko ya mawa) « Tokanisaki ete Yesu akobikisa Israele ».

4. Kleopasi alobaka ete mitema etondaka na bozangi kondima tango bayokaka maye basi na bango bayebisaka na bango ete lilita ezalaka na eloko te na kati. Tanga Luka 24 : 22 tii na 24

22 : Tokamwaka mpo na makambo oyo basi mosusu oyo bavandaka na biso bayaka koyebisa biso. Tongo-tongo, bakendaka na lilita

23 : Kasi bamonaka ebembe ya Yesu. Ebongo bayebisaka biso boye : « Ba Angelu bayaki komimonisa epayi na biso, bayebisi biso ete Yesu azali na bomoyi ».

24 : Batu mosusu na kati na biso bakendeki na lilita. Bamonaki makambo ndenge moko lokola basi wana balobaki. Kasi Ye, bamonaki Ye te.

Tuna bana :

- Basi oyo bakendaki tongo-tongo na lilita bamonaka nini ? (Lilita ya kofongwama, nzoto ya Yesu te, Angelu)
- Bamonaki nani te ? (Yesu).

Boyambi mateya na bana kelasi :

Bana kelasi nyonso yebisa bango na kozanga kondima nyonso ete : « Basi balobaka ete Yesu azali na bomoyi ».

5. Yesu alimbolelaka bango ndenge Boyokani ya sika elobaki makambo na Ye, ndenge elobelaka pasi, liwa na lisekwa na Ye, nyonso liboso esalema. Tanga Luka 24 : 25 tii na 27.

25 : Na tango oyo Yesu abandaka kolobela bango été : «Bozali mayele te ! bozali kondima mbala moko te makambo oyo ba sakoli balobaka !

26 : Ezalaka na tina te Mesia amona pasi mpe kobotola lokumu na Ye ? ».

27 : Ebongo Yesu alimbolaka makambo oyo nyonso bakomaka mpo na Ye na mikanda nyonso oyo ezali na Mokanda ya Nzambe, kobanda na Mikanda ya Moize kino na Mikanda nyonso ya basakoli.

Tuna bana :

- Yesu alobaka ete bondimaka mbala moko te : likambo nini ?
- Mikanda ya Biblia elobaka ete Mesia esengeli asala nini ?

Boyambi ya mateya na bana kelasi :

Komekola mbala na mbala ya maloba ya Yesu na eteni ya 26 : « Soki tina ezalaka te Mesia amona pasi ? » (Lakisa lolenge yo moko. Tanga likomi moko na moko na kalati mpo bana bakoka kolanda yango. Na sima, bana oyo bakoli bakoka kotanga likomi moko na moko na kati ya ba kalati, ebongo bana nyonso bakoka kotanga likomi moko na moko na sima ya bana wana (ba mikolo). Oyo ekosenga ete, na ebandeli ya kelasi, osala bakalati oyo emonanaka mpo bana nyonso bakoka kotanga. Ndenge wana, bana nyonso bakobanda koloba maloba ndenge moko.

6. Babendaka Yesu mpo atikala na bango butu wana, Andimaka. Tanga Luka 24 : 28 na 29

28 : Tango bakomaka pembeni ya mboka oyo bazalaka kokende, Yesu asalaka lokola mutu azali koleka mboka yango.

29 : Kasi batu wana babondelaka Ye ete : « Yaka kovanda na biso mpo moyi elimwe, butu elingi eyingela ». Yango wana, Akendaka kokota na ndaku moko na mboka wana mpo atikala na bango.

Tuna bana :

- Basengaka Yesu asala nini ? (Atikala/Avanda na bango na mboka wana na butu wana).
- Andimaka ? (Eee, andimaka).

Boyambi ya mateya na bana kelasi :

Bana kelasi nyonso basala ba gestes lokola balingi ete Yesu aya kotikala/kovanda na bango butu wana.

7. Na tango Yesu avandaka na mesa na bango, Azwaka mapa na loboko, ebongo Abenisaka yango, kaka ndenge moko lokola Asalaka yango na butu ya Pasika, bileyi na Ye ya suka oyo Aliaka esika moko na bango. Mbala moko, miso na bango efongwamaka, ebongo bayebaka ete ezalaki Ye Yesu, kasi na tango wana, bamonaka ete azalaka lisusu kuna te.

Tanga Luka 24 : 30 na 31.

30 : Tango Avandaka na mesa na bango, Azwaka mapa, Atondaka Nzambe, Akataka mapa ndambu ndambu, ebongo Apesaka bango.

31 : Na ngonga oyo, miso na bango efongwamaka, ebongo bayaka koyeba ete wana ezalaki Yesu...

Tuna bana :

- Tango nini bayebaka ete ezalaka Yesu ?

Boyambi ya mateya na bana kelasi :

Senga batu ya bolingo misatu na kati ya bana kelasi, baleka liboso ya baninga, ebongo basala théâtre ya ndambu oyo ya lisolo (Histoire) wana. Yesu azala na kati kati ya bayekoli mibale. Azwa mapa, abanda kobenisa yango. Na lombangu bayekoli mibale wana bayeba ete ezali Yesu. Na tango bazali kosala mpe koloba lokola bazali na likamwisi to bopesi posa, batala na ngambo mosusu na ngonga moke. Na tango wana kaka, mwana oyo azali komekola Yesu, atelema mpe abima (oyo ezali lolenge tozali kolakisa ete bamonaka lisusu Yesu te).

8. Ye Yesu. Tanga Luka Bayekoli bayebaka makambo oyo Yesu azalaka koteya nago tango bazalaka kotambola elongo na nzela. Bayebaka ete Biblia mobimba ezalaka nyonso kolakisa mpe kolobela 24 : 32

Ebongo ba bandaka koloba bango na bango été : « Kasi mitema na biso ezalaki kobeta mpo na esengo, tango azalaki kokende kosolola na biso elongo na nzela, na tango azalaki kolimbolela biso makambo oyo ezali na Buku ya Nzambe ».

Tuna bana :

- Bazalaka na esengo ya nini ? (Na ndenge Alimbolelaka bango makambo oyo ezali na Buku/Mikanda ya Nzambe).

Boyambi ya mateya na bana kelasi :

Pona batangi mibale oyo bayebi kotanga malamumpenza, batanga eteni oyo na ndenge ya drame to théâtre. Mwana moko azala molobi, atanga makomi ya liboso ya eteni. Mwana ya mibale alimbola nini balobanaki bango na bango, ebongo bana mosusu bamekola yango mbala na mbala.

9. Ba balolaka noki, ebongo bazongaka na Yelusalemi, mpe bayebisaka bayekoli mosusu ete Yesu asekwi. Bayebaka yango, mpo bamonaka Ye na kati ya kosolola na bango. Tanga Luka 24 : 33 tii na 35.

33 : Na tango wana kaka, batelemaka, ebongo bazongaka na Yelusalemi. Bakendaka kokuta bayekoli oyo zomi na moko basangani na baninga na bango.

34 : Batu oyo bakendaka kokutana na Yesu balobelaka bango ete : « ya solo, Mokonzi Yesu asekwi na liwa (na kufa) ! Simoni amoni Ye ».

35 : Batu wana mibale mpe bayebisaka bango makambo oyo bamonaka na nzela na ndenge bayebaka Yesu tango Azalaka kokata mapa.

Tuna bana :

- Bayekoli mibale bakutanaka na nani ? (Bayekoli zomi na moko)
- Bayebisaka bango nini ? (ya solo, Mokonzi Yesu asekwi na liwa/ na kufa)
- Nani amonaka Ye ? (Simoni).

Boyambi ya mateya na bana kelasi :

Bana nyonso komisa bango bayekoli oyo bayebi na ngonga wana ete ya solo Yesu asekwi, Azali na bomoyi. Esika bazali, bakende na lombango na nzela oyo bazali kotia makelele mingi. Molakisi, yebisa bana ete na ngonga oyo, bazongi na Yelusalemi, ebongo bakende lisusu mbangu te. Na sima, bango nyonso baloba na mbala moko na mongongo makasi ete : « ya solo, Mokonzi Yesu asekwi ! » Yo molakisi, lakisa makelele na ba gestes na ndenge ya mposa mingi, ebongo bana balanda yo.

10. Na tango bazalaka koloba, Yesu ayaka mpe Atelemaka na kati na bango, kolobela bango ete azalaki na bomoyi, Azalaki te, kaka molimo. Kolakisa yango, Yesu azwaka bilei mpe Aliaka na miso na bango. Tanga Luka 24 : 36 tii na 43.

36 : Tango bazalaka kolobela kaka makambo wana, Yesu ye moko abimaka na kati na bango. Mpe Alobi : « Mbote na bino ».

37 : bazalaka kolenga na bobangi, mpo na makanisi na bango, bakanisaka ete bamonni zabololo.

38 : Kasi Atunaka bango : « Mpo na nini makanisi na bino ekomi ya kobeba ? Mpo na nini bozali na mitema mibale ?

39 : Botala maboko na ngai na makolo na ngai, ezali ngai oyo Yesu. Boya kosimba ngai, botala ngai, mpo zabololo azalaka na misuni na mikuwa te, kasi Ngai nazali na ndenge oyo bozali komona ».

40 : Tango asilisaka koloba makambo wana, Alakisa bango maboko na makolo na Ye.

41 : Bamonaka ndenge ya kondima makambo wana te na mbala ya liboso, mpo batondisamaka na esengo mingi, bazalaka kokamwa. Yango wana Atunaka bango ete : « soki bozali na eleko ya kolia awa ? »

42 : Ba pesaka Ye eteni ya mbisi ya mayi ya koyita ;

43 : Azwaka yango, mpe Aliaka yango na miso na bango.

Tuna bana :

- Nani amonanaka na kati na bango ? (Yesu Ye moko).
- Alobaka an bango nini liboso ? (Mbote na bino).

- Mpo na nini bazalaka na bobangi ? (Bakanisaka ete bamoni zabolo).
- Yesu ayebisaka bango basala nini mpo bandima ? (Basimba Ye mpe batala maboko mpe makolo na Ye).
- Aliaka nini na miso na bango ? (eteni ya mbisi ya mayi ya koyita).

Boyambi ya mateya na bana kelasi :

Pona mwana moko asala lokola azali Yesu ya kotelema. Atelema, ebongo aloba : « Kimia ezala na bino ». Bana kelasi mosusu basala lokola bazali na bobangi mpo bazali kokanisa ete akoki kozala molimo. Mwana oyo azali komekola Yesu atanga makomi ya eteni 38b na 39, mpe alakisa maboko na makolo na ye na ba misusu. Ba misusu bango nyonso basala lokola bazali kokamwa. Mwana oyo azali komekola Yesu atuna baninga mosusu soki bazali na bilei kuna. Bana mibale basala lokola bazali kopesa ye eteni ya mbisi ya mayi na ndambu ya mafuta ya nzoi. Yesu azwa yango, ebongo alia na miso na bango.

11. Afongolaka makanisi na bango na koyeba ete Biblia elobaka liboso ete Akomona pasi, Akokufa mpe Akosekwa na mikolo ya misatu. Ayebisaka bango makambo oyo tango bazalaka esika moko na bango, kasi bayebaka yango te. Tanga Luka 24 : 44 tii na 46.

44 : Na sima alobelaka bango ete : « oyo ezali makambo oyo na lobelaka bino tango nazalaki nanu na bino, nayebisaki bino boye : nyonso oyo ekomama mpo na ngai na Mibeko ye Moize, na Mikanda ya basakoli (prophètes), mpe na banzembo, esengeli kosalama.

45 : Tango oyo Yesu apesaki bango makanisi ya malamumu mpo bayeba tina ya Mikanda ya Nzambe.

46 : Ebongo alobelaki bango boye : « Makambo oyo ekomama na Mikanda ya Nzambe yango oyo : Mesia akokufa kasi akosekwa na mikolo misatu.

Tuna bana :

- Na ndambu nini ya Biblia bakoma mpo na Yesu Mesia ? (Na ba ndambu nyonso).
- Soki ba ndambu ya Biblia ezali ya kokoka te na ndenge bakomela yango ? (Ezali te. Nyonso ezali ya kokoka na ndenge bakomela yango).
- Biblia elobelaka liboso ete Mesia akosala nini ? (Akokufa na sima Akosekwa na mikolo misatu).

Boyambi ya mateya na bana kelasi :

Ba Yuda bakabolaka Boyokani ya Kala na biteni misatu. Tango ozali koloba ndambu moko na moko, pesa mwana kalati ya monene oyo ezali na eteni oyo bakoma na likolo na yango. (Kalati inso ezali na foto ya Yesu oyo bafinika ndambu ya papele (lokasa). Ba ndambu misatu wana ezalaka : 1) Mikanda ya Moize (mikanda mitanu ya liboso ya Biblia na biso- kobanda ti na koteya), 2) Banzembo mpe, 3) Mikanda ya basakoli (ba prophètes).

Boyekoli ya Kala, Yesu alobaka ete Mikanda ya Moize ezalaka koloba nini ? Eee, balobelaka Ye Yesu (Senga mwana abalola papele (lokasa) mpo foto ya Yesu emonana).

Banzembo elobaka makambo nini ? Eee, bango mpe balobaka makambu ya Yesu. (Senga mwana abalola lokasa na kalati oyo ezali na banzembo mpo foto ya Yesu ekoka komonana).

Mikanda ya Basokoli elobaka nini ? Eee, bango mpe balobelaka Yesu. (Senga mwana mosusu abalola papele/lokasa na kalati oyo ezali kolobela Mikanda ya Basakoli mpo ete foto ya Yesu ekoka komonana).

Ata liboso ya boyei ya Yesu, Boyokani ya Kala nyonso elobelaka ete Akozonga lisusu !

Bosilisi ya liteya : Yemba lisusu nzembo : « Nyonso ezali kolobela Ye ».

Mosala mpo na bana oyo bandimi Yesu :

Yesu azali mutu ya kati-kati ya Biblia. Banda ebandeli tii na suka, Biblia ezali kolobela koya na Ye, kufa na Ye, mpe sekwa na Ye. Na makanisi ya Nzambe, Yesu azali likambo oyo eleki monene na lisolo (histoire) nyonso ya batu.

Soki Aleki tina na bomoyi na yo ? Soki Azali na tina ya solo na mabanzo (makanisi) na yo ? Soki otie ye pembeni (na mopanzi), okoki koyebisa Ye lelo ete olingi Azwa esika lokola kiti ya bokonzi na bomoyi na yo.

(Molakisi, sala tango ya kobondela na bana mpo na makambo wana)

Benga ba oyo nainu bayambi Yesu te, baya na Yesu :

Mbala mosusu, oyebi te soki ya solo Yesu abikisi yo. Ata ndenge wana, yeba ete banda ebandeli, Nzambe azalaki na makanisi ya kotinda Ye mpe asilaka kotinda Ye, nyonso wana mpo Ye akoki kobikisa yo na masumu na yo. Soki omibongisi na motema koloba « eeh » na Yesu, okoki kobenga Ye kaka na mabondeli. Yebisa Ye ete olingi Ye azala mobikisi na yo mbula na mbula (seko na seko). Senga Ye aya kokota na bomoyi na yo.

(Molakisi ya écodim, lakisa bana esika bakoki kokuta mpo na ba oyo balingi kosambela mpo Yesu akota na bomoyi na bango.)

Soki ozali kolakisa na kelasi ya batu nyonso, lakisa bana ndenge ya kosambela mpo na koyamba Yesu, mpe yebisa bango ete mutu na mutu akoki kosambela ye moko soki ayebi makambo wana, ebongo bakoki kokoma maloba oyo « Na yambaki Yesu » na eteni (ndambu) ya papele (lokasa). Bamema papele (lokasa), bapesa yo yango, na poso ekoya to tango nyonso bakolinga.

SUKA YA LITEYA

N.B (yeba malamu) : Molakisi keba !

Sika oyo, osilisi kosalela mateya oyo. Mateya ya sika ezali kozela yo na Centre des matériels, esika odefi mateya oyo.

Mangomba mosusu pe bazali kozela kodefa mateya oyo mpo bayeba pe kolakisa bana na bango.

Sika oyo, zongisa bisaleli nyonso na sachet pe zongisa yango na Centre des matériels ya MCE (Ministères pour Chaque Enfant).

Matondo mingi mpo na kosalisana na yo !